

漳州府志卷之二

星野乾隆志卷二

在地成形在天成象故地有五行天有五星地有州域天有列宿史記謂三光陰陽之精氣其本在地而聖人統理之樹論精矣星野之說蓋古之封國必有分星以占妖祥建置既明俯而察仰而觀一郡之分星乃可得而指焉作星野志

周官保章氏以星土辨九州之地所封封域皆有分星以觀妖祥鄭氏曰星土星所主之土也封猶界也大界則分野者指列星所屬之分而言也鄭氏所謂星土星所主土是也其國在此而星則在彼彼此若不相配而其

漳州府志

卷之二 星野

一 四百三十六

為象未嘗不相屬非地之在北者其分野在天亦居北地之在南者其分野在天亦居南也

按左氏載鄭裨竈曰今茲歲在顓頊之墟姜氏任氏實守其地此元枵為齊之分星青州之星土也鄭子產曰成王滅唐而封太叔參為晉星此實沈為晉之分星并州之星土也舉是二者而九州可知此與周官保章氏以星土辨九州之地之說相合鄭康成解周官以封為大界而九州中所封諸國之界于星亦有分焉如元枵為今山東之分星實沈為今山西之分星而二省中之府州縣又各有所分之星不但以元枵實沈言矣然其詳既不可得聞則二省中府州

縣志書之紀星野亦只得指元枵實沈之某次某度約畧言之欲如保章氏指大界中小界之分星以實之勢不能也又有疑分野之說不可信者如青州在東而元枵之次却在北楊州在南而星紀之次亦在北然先儒已嘗辨之謂三光之象在天而其本在地星與土以精氣相屬而不係于方隅蓋地不動其方隅有常天之包地運行不息以精氣相屬言之於理可信蘓氏之說是也

爾雅星紀斗牽牛也

郭璞云斗牽牛者日月五星之所終始故謂之星紀

史記斗江湖牽牛婺女揚州斗七度女十五度

漳州府志

卷之二 星野

二 四百三十三

漢書吳地斗分野也粵地牽牛婺女之分野也

孔穎達云牽牛婺女

皆爲星紀越之分野晉隋元明志云吳與越其辰在丑

前志云按舊志萬歷謂歷代分度往往不同黃帝起斗

十一度至女七度爲星紀費直起斗十度至女五度爲星紀蔡邕月令章句起斗六度至須女二度爲星紀皇甫謐起斗一度至女七度爲星紀唐志起初斗九度終女四度爲星紀元志起斗四度三十六分六十六秒外入星紀之次又魏太史令陳卓云吳越州郡九江入斗一度廬江入斗六度豫章入斗十度丹陽入斗十六度會稽入牛一度臨淮入女四度廣陵入牛八度泗水入

女一度六安入女六度閩故屬會稽其直牛一度無疑夫閩從會稽是已但以揚之地而有會稽會稽之中而有閩閩之中而有漳則分而析之其中當自有辨然不可考矣

論曰秦漢以來星野之書已亡後世所分特起於班孟堅漢書而封域不免紊亂容齋洪氏譏李淳風作晉天文志郡國所入宿度按之于古未免謬亂謂其蔽於天而不知地容齋所云誠非無見但李淳風之說本魏太史令陳卓而其原實出於班孟堅以漢書地理志與天文志互勘便知其說自相牴牾考周禮

漳州府志

卷之二

星野

三

四
百字

保章氏以星土辨九州之地所封封域皆有分星鄭康成曰九州諸侯之封域於星亦有分焉其書亡矣堪輿雖有郡國所入度非古數也康成博洽大儒謂郡國入度非古而又不肯自爲臆說其虛衷蓋如此但今人別無所考不得不仍李淳風之志而其稽諸秦漢以上疆域不至紊亂者則固可信按春秋昭三十二年吳伐越史墨謂越得歲而吳伐之必受其凶鄭康成謂斗主吳牽牛主越此年歲星蓋在牽牛夫吳越同在星紀之次而斗牛異分今淳風天文志吳越同屬揚州而斗牛分度各別則猶然如古閩在禹

貢揚州之域蓋屬漢之會稽卽越分也天文志載會稽入牛一度入四度則爲臨淮入八度則爲廣陵然則會稽占牛之一度至三度全閩屬郡蓋不出此三度之中而漳郡可知若入斗則爲九江廬江豫章丹陽四郡入女則爲泗水六安二郡似未可泛指星紀也又考周天十二次之說備於爾雅釋天淳風天文志與周易分野月令章句雖其分界各別而其以斗牛女爲星紀則同宗釋天獨今西學十二次隨歲差改移每歲輒差五十秒而星紀竟移至箕之三度蓋今之冬至在箕三故卽以箕三爲星紀之始然堯時

漳州府志

卷之二

星野

四

四百十三

冬至在虛而自堯至周十二次不改四象如故今必依歲差而易則千萬年後元武七宿竟可指爲朱鳥之象是以識者不能無疑至如北斗七星分配九州雍州屬璇星冀州屬樞星兗州青州屬機星徐揚二州屬權星荊州屬衡星渠州屬開陽豫州屬搖光此䟽家所引以釋保章者則閩於北斗蓋又上占權星而甘石二家所占天市垣二十二星則閩隸吳越又屬東垣之第陸星女宿之十二國十六星則以越統閩又在鄭北周西一星若夫列宿精氣分屬州郡之故不可拘以方位不應并不可泥以古之受封歲星

所在之說惟唐一行分兩界於山河認雲漢之升沉
按每月雲漢所交之星而分野以定古之通儒皆主
其說今備述之以俟後之君子

漳州府志

卷之二

一星野

五

七十四字

漳州府志卷之二終